

四庫全書

子部

欽定四庫全書

子部
圖書編卷四十四至
六

詳校官中書_臣李彤

主事_臣祁韻士覆勘

總校官進士_臣朱鈐

校對官編修_臣馬啓泰

謄錄監生_臣許祖義

繪圖監生_臣董椿

欽定四庫全書

圖書編卷四十四

明 章潢 撰

遼東總敘

遼東禹貢青冀二州之域舜分冀東北暨無閭之地為幽

州即今廣寧以西之地青東北為營州即廣寧以東

之地即遼陽東至鴨綠江西至山海關一千四百六十里南至旅順海口北至開元城一千七十里

三面瀕邊一面阻海特山海關一線之路可以內通

亦形勝之區也歷代以來地皆郡縣

元季時為平章劉益高家奴分

據洪武初奉表來歸四年置定遠衛八年改為遼東都司十年革所屬州縣設衛二十五永樂七年復設

安樂自在二州我朝盡改置衛而獨於遼陽開元設安樂自

在二州以處內附諸部其外附者則朵顏福餘泰寧

等衛分地世官互市通貢事雖羈縻勢成藩蔽是以

疆場無迤北之患顧東北諸夷屋居耕食不專射獵

警備差緩而西北則俗仍迤北竊發頗多要在隨勢

安輯處置得宜先事申嚴防守不墜俾恩威並立足

制其心斯計之上也開元廣寧並據襟吭金復海蓋
頗稱沃野海上自劉江之捷倭寇絕跡如革馬市之
姦欺糾驗放之抑勒塞請開之貢路禁驛傳之騷繹
增臺軍之月給教百姓之儲蓄專制一方者不得不
任其責矣

遼東邊圖



火宅四車全書

圖書編



曉黃

鎮免

鎮述

鎮安

鎮寧

鎮武

太平

大寧

廣寧

廣寧

廣寧

大寧

五千寨

復州

樂吉

早關

石河

李嗣

紅海

金州

和南

木場

山關

新寨

旅順

劉官

王臣

新寨

旅順

遼東鎮屬衛二十五所十一關二營堡一百馬步官
軍九萬九千八百七十五員名馬九百零九匹子
粒二十六萬一千四百六十七石歲運銀一十八
萬五千二十四兩米一十二萬四千六十六石歲
辦草二百四十萬五千二百一十一束豆七萬五
千二百二十九石六斗

遼東處置

遼東三岔河一帶亘數百里北自遼陽舊城至南三

岔河關俱棄以與多延三衛住牧隔絕東西增費堡
戍其地且多草木魚鮮之利宜自宋家堡直西添設
營堡截守不亦快乎

遼東東杓子河西六州河相距一千五百七十五里
南旅順海口北開原相距一千七十里而都司城處
其東北稍偏是為東一大鎮廣寧處都司城至山海
關之中是為西一大鎮金州為南鎮而旅順當其衝
開原為北鎮而三萬鐵嶺瀋陽中接於南蒙州廣寧

中屯輔於右巡撫及兵備駐劄廣寧巡按分守駐劄
遼陽遼東地皆沃壤舊為郡縣自置衛之後人多僑
居生庶稍減今置自在安樂兩州以處徒徒要之未
足以盡規議

遼東西

遼東青分營州
遼西冀分幽州

渤海之外一都會也西南起

山海歷醫無閭長白諸山經絡北東南走海上海薄

蓋金以西接盧龍可渡登萊泛吳淞

金州旅海運陸
順口州梁房口

房口路蓋
海舟入遼魚鹽穀馬馬給吏士或市之保塞奚夷彼

遂挾以邀我我亦以官市縻之而奸關出入亦不能
盡禁寧遠東西兩屯頗安給錦義地瘠寡生理廣寧
無屯營之利率仰給轉粟與遼陽隔河河兩濟防禦
遼陽以北益聚兵兵食益窘開原三城中國三面受
敵六堡雖復而出入于青陽鎮夷間者往往使我失
魚樵之利又掠我男女易畜產於長城之外否即繫
之耕織日夜無休時西馬市廢蒲河市懿路殘破不
可言撫順通百夷貢市內外皆山多伏莽我難於斥

望瀋陽雖有闕相其形勢外雖險而內實平不能
扼據以為東陞之保障西境並海四州恃得勝之捷
無海寇然遼水南駐海溢不能洩患苦沮洳矣

始河東十四衛皆自登州海運給之有海舟十餘隻
直抵遼陽鎮嶺以達開元城西老米灣然世久法行
至今遼陽之匱安得至此極也明聖造邦良有深意
乎

遼東保障

楊文襄一清論遼東保障曰北隣朔漠而遼東三萬
潘陽鐵嶺四衛之統于開原者足遏其衝南枕滄溟
而金復海蓋旅順諸軍聯屬海濱者足嚴守望東西
倚湯站長城為固而廣寧遼陽各屯重兵以鎮壓之
復以錦義寧遠前屯五衛西翼東寧增遼陽山東諸
堡以扼其要第遼之保障困于地之迂遠今三岔河
南北數百里遼陽舊城在馬木葉白雲之間即遼之
北京中京地也自守禦不得其人致東西限隔道

路迂遠制置有方則城堡士馬芻糧可省十之三四
遼東海道

遼東古青州之域自周以下遼東屬燕青州屬齊疆
域雖分海道無異至於漢伐朝鮮遣楊僕從齊泛渤
海荀彘出遼東即隋唐東征亦分師航海豈非循習
其舊哉國初置遼東即發兵數萬戍遼命鎮海侯吳
禎總舟師萬人由登萊轉運歲以為常至永樂四年
平江伯陳暄督至遼其後設有屯田糧運始廢止

令山東歲運布花以給軍士皆由登州發運至金州
旅順止卸當時倭寇偶犯而總兵劉江遂有望海窩
之捷其患亦絕歲運至弘治十八年船壞暫止山東
乃征以輕費灌輸歲豐充用不暇講求嘉靖七年巡
按王重賢先為即墨知縣言有司苦于布花折色乃
請通海道復舊制金州劉訓導明言家世登州自海
運不通生理蕭條然則在山東亦自有利害矣三十
七年遼東荒歉乃欲求通先是邊備劉九容查議曰

海運之廢已非一年若以打造船隻裝運布花為名則價值苦征求之難造作糜人工之費萬無可通之時為今之計暫疏海禁隨民間有力者各置船隻從先年故道自相貿易登金兩岸設法稽查其歲運布花仍從原議征收折色照舊從闕起解巡按周斯盛奏曰國家建置之初以之隸山東者止以海道耳自旅順口以望登萊可即泛舟而往一日可至以山東之人適山東之地通舟楫自有之道因天地自然之


利更何所顧忌也哉巡撫侯汝諒奏請一開天津海道一通山東糴買與總督王忬科道先後所言同山東當事者雖多設事變而戶部猶執前議舟通數月速前巡按路可由設言島人一聞調船必棄業哨聚急請停止部遂據以却諸議而不虞其為越吟也夫遼東既以山海為關亦宜以海防為津先年通運之時寧無稽查之法且倭國與閩浙相對去遼本遠先固未嘗以望海一咽而遂推壑於後也十七年巡撫

孫檜差都指揮閔忠齋咨赴催然為馮驩責債得致
無幾近積欠至七十餘萬即是則海禁之意不在所
言之害而恐通後吾執左券以責備耳矣其運船本
南京龍江關成造正德初以湖廣災傷暫議停止今
並編列金州旅順口達登州水關岸水程海島於左
方使得料遠近考廢興備成法焉右金州旅順關口
南達登州新河水關岸徑五百五十里水程適中海
島名曰羊塌有碣上鐫南岸達北岸共五百五十里

兩日內風力順可到先一日辰時自登州新河發帆
至晚抵旅順泊岸次日辰時自旅順發帆至晚北抵
三汊河泊岸蓋自旅順口起抵海中羊塌黃城二島
約三百里自黃城南抵欽島鼉磯島約三十里欽鼉
島抵井島約七十里井島抵沙門等島一百三十里
沙門島抵新河水關僅二十里總括其數亦五百五
十里各島相接如驛遞而島之住戶俱屬納水利銀
兩於金州

東北抵廣寧前屯衛中前所界

山海關圖



院義抵北

東北抵片石邊

鎮東廟

運道所
守備廳
公館

草場

演武場


南城

海

邊口

西北界

嶺口邊



卷四十四

西抵撫寧縣界

南抵昌黎縣界

遼鎮保守要務

余歷北平幾十年薊遼二鎮邊事備稔之矣守薊鎮易守遼鎮難何者薊鎮將庸而兵弱所恃者山險火藥耳邊牆雖未高堅尚可修也火藥雖未全備尚可補也以歲計之暮月而可三年有成矣若夫遼鎮軍雖猛而寡馬雖壯而少自山海抵寧前三百餘里邊牆未築藩垣無恃火藥未備克敵無策雖有猛士不足當如雲之衆雖有利矢不足以敵如雨之鏃一

遇有警聽其擄掠百里一空不得不歸耳吁嗟惜哉
不汲汲為之備邊患何日而止乎其要莫如先築邊
牆備火藥目今遼東欲覓人修築無銀欲令軍士助
工無人將奈之何哉為燃眉之計先將邊界一路每
年令軍士居民鑿深溝一道濶三丈餘即以其土敷
我溝裏築為堤岸如長嶺然待伏雨實堅上築高牆
一丈基濶五尺平身去處留以牆孔以便快鎗砲打
每二里或三里嶺上仍建燉臺一處周以垛口蓋以

敵樓草創之時土牆草屋以蔽風雨可也其牆則一
里一鋪置以火藥快鎗每敵臺一座多備火藥火砲
并砲架數十來攻則以快鎗擊之填壕則以火砲拒
之彼不能近吾壕安能填吾溝耶既不能填吾溝安
能踰吾牆耶此目前之急務也備此者三年可完若
夫築土牆創土城須得一半官銀一半助六年而後
可至於修磚牆建城池九年而後成遼鎮之事大率
九年完固矣誠如此雖有十萬之衆莫敢犯也可保

百年無事矣至若寧前一帶數百里居民鮮少地土荒涼又奈之何哉蓋人之所以不居遼地者以地當兵衝而度日至苦也誠將荒廢之地盡數查出除遼人耕種外先儘充發之軍每軍一名多則給以百畝少則五七十畝許其耕種不許變賣一切錢糧永為蠲免有關西情願應役者投充一名亦照此例給種每一二里或十餘里令築小墩城垣一處以備外患則貧窮之家無故而得百畝之地既不費財又不徵

賦彼將視為樂土攜其父母妻子而願歸之矣軍之
逃者能幾何哉十年之間民聚日衆生齒日繁外無
邊患內無重擾遼鎮之民可以息肩而享太平之樂
矣遼鎮既全薊鎮可保京畿有泰山之安矣不然唇
亡齒寒之勢不可不寒心也

遼東區畫

嘗玩分野圖象知郡國之屬於天也各有宿度界限
之殊因知古聖帝之分州也各因其分野而聯屬之

道寓焉何也遼東西在十二國屬燕在九州屬冀與青在分野今廣寧以西屬箕度廣寧以東屬尾度自虞舜分天下為十二州東遼為營西遼為幽然山東與遼中跨東海形勢懸絕舜時營與青其相統屬否不可知也青州則在今山東青登萊三郡然遼之東亦分屬於青是其中雖隔乎大海而疆域界限既均之為青州焉則其貢賦之轉輸官屬之朝聘其往來通道舍海安之乎可見古人聯東海之兩隅為一州

以海為通衢無疑也自遼入我朝除北自遼陽舊城南抵三岔河關棄與諾延三衛無論已然東西相距千五百餘里南北相距千七百餘里雖三面臨邊一面距海據其形勝而安輯之有道亦足為東北之保障也國初河東十四衛皆自登州海運給之海州直抵遼陽鎮嶺以達開元城西老米灣故遼兵頗忠勇亦以饋餉充實故也自海運革而遼之兵食多匱乏矣雖東北土畜多屋居火食較之正北達其勢稍易

制然殷鑒不遠遼也金也元也皆起跡東北實有不
可忽者且我朝建都燕地不徒宣大與邊為鄰患在
肘腋而諾延三衛反在遼之內地所恃薊鎮耳山海
關一線之路萬一中阻則咽喉既塞彼遼陽一鎮不
特不足為京師之障而束手無拯援之策矣嘗閱輿
地圖金蓋一帶西接盧龍本可以渡登萊泛吳浙昔
日之運道乃今日之急務也較利害者又以風波之
險海寇之防為可虞獨不思哲士長慮却顧為國家

計安久遠雖有小害當勿恤矣縱使海運未可遽復而沿海擇要害之區許通市舶使商旅貨販由海往來則魚鹽穀粟一通而一鎮軍民財用自足設有緩急亦可恃以無恐得非富强之一策乎聞成祖皇帝欲建總鎮于開元而經營未及就緒正今日所當講求焉雖勢所最難未免以餽餉為憂然欲建訂謨遠猷則不惜小費近利况通海舶復海運使遼鎮食足兵強吾知三衛雖強腹背受制必不敢自生異心而

京師永奠磐石之固殆有不戰屈人兵者在也非徒
熟海道可以援遼陽習海運可以餉各鎮實京師矣
是故遐想往古山東遼東合為一州先王計慮何深
遠也故國初由登萊以餽遼陽我聖祖之睿算不有
以紹往聖聯屬之道乎忠臣謀國者其深圖之

山海關說

山海禹貢冀州之域書曰夾右碣石此其方也國朝
洪武創建城池關隘命名曰山海關永樂中建都燕

京列為畿輔相厥山川山自居庸而東其勢漸南海
自直沽而東其勢漸北至我臨渝山麓海濱不盈一
視扼而塞之其為力甚易其功甚鉅也諾延散處舊
大寧地乃山海諸邊之北也自居庸抵山海依山阻
險設關寨墩煌營壘數十百所過厥出沒可謂盡羈
縻之術極備禦之策矣近者閉關戒嚴邊氓日遭兵
盜石塘之役至厘王師者何哉法弊之繇也今觀沿
邊險隘可以列騎聯伍而下者亡幾餘皆捫藤穿竇

潛形詭跡馬耳司關計者苟嚴翼共服飭厥烽燧入
必知知必并力據險遏之營遇警必報報至即率所
部為聲援犄角之勢彼雖黠悍亦何能為乃今不然
官惟贖貨是務軍士買閒落鄉供役使者過半墩煌
曠瞭卒行伍乏壯捷伺間而乘之亡所誰何及被掠
官懼加罪譴輒贖之牛酒鹽布賄失者家以鉗其口
每致縛所掠男婦勒諸城下以為恒或度不可秘遂
誘而掩捕之以捷聞冀獲免也間所掠非所捕所捕

非所掠而邊鄙日結矣夫啖之利者以啟其無厭之心挑之怨者以速其必逞之勢是何異自決其堤又從搏擊之水不溢且洪乎為今日計在於懲誅求放免之弊實行伍以自固禁私交掩捕以塞末流則庶乎其可也

遼西區畫

古遼西郡即舊設大寧都司內轄錦州全寧及大寧和衆富庶金源惠和武平龍山等縣是也契丹號為

中原是故大同在西燕在南遼陽在東大寧則在其
中其東南四十里為松林松林水出是為廣河大山
深谷幅頓千里岡嶺崇隆迤逶亘京師之西山內有
長泊周圍二百里大鹽泊周圍三百里小鹽泊周圍
百里山高而長水濶而聚且其地東傍福餘若招漳
潮吳浙水商遠通日本新羅則自新羅可以通沃沮
由日本可以通濊貊濊貊古為渤海東京龍源府沃
沮古為渤海南京南海府既通二府則漳潮水商或

經唐恩浦口或經濊貊沃沮直抵扶餘而西入大寧
矣契丹曾置通吳軍其道由此我太祖平定前元于
古會州之地設大寧都司及所屬營州等衛以為外
藩籬復命魏國公修山海關喜峯口古北口黃花鎮
潮河川一帶以為內藩籬永樂中撤回大寧以其地
委諾延三衛而以為內藩籬為界大寧既棄則開元興
和不容不失宣德中移守獨石龍門勢固然也土木
之變獨石八城俱陷所恃者一長安嶺橫阻其衝耳

今計其歸復之界大軍出喜峯直擣錦川全寧而夾以開平中屯興州右屯及松亭永寧之師遼海出偏師以綴福餘繼以義州廣寧之衆步騎出於牛山舟師進於小陵此其成計不可易者然非十年生聚十年教訓未易言矣

薊州總敘

薊京師左輔也

拱衛京師密邇陵寢比之他邊尤重三屯營居中為本邊重鎮東至山海

關三百五十里西至黃花鎮四百五十里

我太祖既承元統迺即古會州

之地設大寧都司營州等衛而封寧王與遼東宣府東
西並列以為外邊又命魏國公徐達起古北口至山海
關增修關隘以為內邊神謀逝哉遠矣太宗文皇帝靖
難後烏梁海部落內附迺改封寧王於江西徙大寧都
司於保定散置營州等衛於順天之境而以太寧全地
與之授官置衛今止守內邊邊人謂外邊山勢連亘千
里山外撒江環遠誠自然之險也北都
不敢內侵山衛者以此今令其每年朝貢二次每次衛
棄此而守內邊失地險矣

各百人往來互市永為藩籬即諾延泰寧福餘三衛是

也遼東宣府自此隔涉聲援絕矣正統以前敵心畏服
地方寧謐但令都指揮或都督於喜峯口密雲等處鎮
守驗放別無多官土木之變頗聞三衛為額森嚮道乃
命都御史鄒來學經略之此後因而添設太監叅將等
官而敵情亦變詐不同然尚未敢顯言為寇也弘治中
守臣楊友張瓊因燒荒掩殺無辜邊釁遂起正德以來
部落既蕃諾延獨盛陽順陰逆累肆侵噬和坦則脅求
添貢巴爾斯深入虜掠動稱結親迤北恐嚇中國叅將

陳乾魏祥俱以重兵前後陷沒他可知矣故三衛夷情難與往日例論禍機所伏不待知者而知

黃花擁護陵寢京師後門今本兵逃亡止餘二百河間等衛之戍空名無實此其單弱極矣議者為更當增戍而關外閒田可募為兵此亦一策也古北口潮河川俱稱要害而潮河川殘元避暑故道尤為兵衝作橋則浮沙難立為塹則漲水易淤都御史洪鍾雖設有關城勢孤難守今雖塞川大建石墩四十令其錯綜宛轉不礙水路庶幾可以

久乎喜峯口三衛入貢之路撫賞諸費久累軍丁近取諸馬場子粒似矣建昌營自裁革內臣之後以其兵多於燕河營乃復添設遊擊甚為差謬夫遊擊之名謂居中乘便四面馳擊也今偏在東隅其謂之何矧東去燕河營叅將止五十里西至太平寨叅將止六十里不為贅員且掣肘乎愚嘗謂薊鎮在今當重其事權總兵須與掛印同巡撫駐薊其遊擊駐三屯營若燕河馬蘭密雲三叅將則仍舊而以太平寨併入建昌為一叅將則庶乎體統

正而緩急有濟矣且設關於外所以防守立營于內所

以應援

國初東至山海關西至黃花鎮為關寨者二百一十二為營堡者四十四為衛二十二為守禦

所三設分守叅將五于燕河營太平寨馬林谷密雲縣黃花鎮以管攝營堡謂之關設守備都指揮五于永平山海遵化薊州山河以管攝衛所謂之營設總兵官一員于三屯營以總鎮馬后惟關獨當其害營但肆為官望而已嘉靖十八年巡撫都御史戴金題准復而舊制更相防守

今關營提調既分為

二則關獨當其害營但肆為觀望耳假令營之提調即司所直之關責有攸歸復將誰諉又本鎮額兵原少隘口甚多除分戍之外消耗之餘所在單弱言之寒心是

故存留京操之士益募土著之兵設險修關嚴烽遠謀
選將練兵足食明法曲突徙薪之計不可一日不講也

薊鎮建置

欽差總督薊遼都御史一

駐薊州

欽差巡撫順天等處都御史一

駐遵化

巡按山海關御史一

今順天巡按兼

兵部主事一

駐山海關

兵備密雲副使一

駐薊州

總兵官一

駐密雲

叅將五

遊擊將軍一



舊太守都司
全屬約諾延

橫山

柳松亭

爛柴溝寨

城子水立

松崖子立

新開谷立

五重

五百早谷

立白道子

徐家立

劉家

徐流

日邊安

漂河

漂

立龍井兒

漢兒

立東谷

立西谷

立南谷

立北谷

遵化

立龍池

立龍井

立東谷

立西谷

立南谷

立北谷

立東谷

立西谷

立南谷

立北谷

立東谷

立西谷

立南谷

立北谷

立東谷

立西谷

立南谷

立北谷

立東谷

立西谷

立東谷

立西谷

立南谷

立北谷

立東谷

薊州鎮屬關一百一十三寨七十二營四十三堡六十一城一十一馬步官軍七萬八千六百二十一員名糧四十六萬八百餘石料豆六萬七千五百餘石子粒米麥一萬三千七百七十八石六斗布絹折鈔銀二萬兩綿布一十二萬一千六百餘匹綿花絨六萬六千三百餘斤草四十萬三千餘束

山東河南北直隸司府起運夏稅秋糧麥豆三萬四千五百八十八石二斗零布一十三萬三千九百匹

綿花八萬一千五百斤絹二千餘匹海運充軍本折
米共二十四萬石軍民屯折色草共銀二十一萬六
千九百六十兩有零夏秋二稅本色折絹米一千一
百四萬九千二百餘石草九萬七千六百八十四束

薊州處置

薊州諸山關無慮數百西接居庸北折而東南抵海
上盡漁陽盧龍塞皆其管內艤泛登萊路走趙魏肩
肘奚達襟帶原澤馮翊京師號稱雄鎮又地壤深厚

樹畜魚鹽黍稷之利甲於圻內天壽山七陵在馬子
嘗謁長陵登山北望邊關可順風而呼也已巳之變
祠官不能至昌平陵衛吏卒如僑寓增埤繕障於斯
為急喜峯稍深峻山海肩鑰遼東西燕河太平寨馬
關峪密雲四營聲勢相接敵即入中兩營當有衝燕
河密雲相犄角遵化三屯建昌固其內防永平梁城
間無敵患亦無海寇薊州轉布粟遮洋猶海運也興
營諸衛初隸北平行都列守太寧太寧在諸關山外

西北接宣府東北抵遼陽千里山盤水深可廬而居
既挈其地界山戎我遂失外險山戎故保塞北結媚
大種闕我東鄙慎哉慎哉

薊州遵化平谷之馬蘭谷將軍石大喜峯口熊兒谷
三屯營羅文谷寬佃等谷俱北邊緊要關營豐潤之
南即臨大海海道其西接永平東北當密雲之路
誠京輔要地喜峯口朵顏三衛出入之門尤緊要

古今鎮東自山海關起西迄居庸白洋若鞏華城東

西延袤千有餘里往鎮三衛為外藩兵衛寡薄近增
益漸多又分為十區區有守備若叅將將以總兵居
中都護而永平密雲昌平隆懷諸處又增置兵備道
監馬密矣顧屬夷渝慮戎索懈弛門庭肘腋可為戒
心則夫伐其謀以攜其交修吾備而固吾圉折衝決
勝其必有道乎

薊鎮遷徙撫巡議

每聞邊警不曰山海則曰義院不曰界嶺則曰桃林

此皆建昌以東地方也所以然者以密雲有總督軍門三屯營有總兵將官而永平一帶邊方無重臣以鎮壓之夫是以常犯而肆侵也合無將遵化巡撫衙門遷移永平府駐劄將永平道兵備移在山海衛居守重臣所在重兵隨之防守密邇查閱亦嚴敵人將不戰而自服矣又寧有復肆跳梁如往昔者哉

薊鎮開渠以防禦

晉劉清以嘉平二年于高宗河開車廂渠灌田歲二

千頃景元辛酉更置水門水流乘車廂渠自薊西北
逕昌平盡漁陽潞縣凡所灌田萬餘頃又玉海山川
考曰薊州漁陽有平定渠傍海穿漕以避海難又於
其北漲水為溝以拒契丹皆魏神龍中滄州刺史姜
師度所開也夫車渠平定之迹誠不知其何在然據
今日現在之水開今日可耕之地以距今日跳梁之
衆則在能者圖之而已

薊鎮各關口要津

京城北九十里昌平州州東北九十里黃花鎮自鎮
歷白馬陳家吊馬等峪關口四十八口而古北口又
一十四關口至義眉寨中歷黃松峪將軍石凡五口
而薊州東岸峪自關以東歷寬峪等關凡十口而遵
化縣之馬蘭峪乃歷沙皮羅文松青龍井兒潘家口
團亭寨關口三十一而喜峯口又七十口而遷安縣
之青山口又十二口而冷口又三口而劉家口又四
口而盧龍縣之桃林口又四口而昌黎縣之界嶺箭

桿等六口而撫寧縣之義院口又石門等五口而董家口歷大毛山小青山等十口而山海關

北畿東北古北口喜峯口潮河川相密邇直北黃花鎮白羊口去天壽陵尤咫尺惟薊州重屯山後諸蕃漫突而宣府鎮且繞出其外可為應援

薊鎮關繫

京師天下根本論天下形勝當推本京師我朝都燕居外馭內自中國視之其形勝可謂壯矣然惟其居

外而馭內也京師實密邇北邊北抵居庸東北抵古北口西南抵紫荆關近者百里遠者不過二三百里雖宣大薊遼保定俱為近輔宣大最急尚為外蔽而薊鎮獨處京師之背其關係不尤重乎惟薊鎮宿重兵積糗糧聲勢與京都相犄角縱敵或深入必不敢肆攻城掠野之志也且薊與多延三衛屬夷接壤扼喜峯之貢道防古北青山之關入稽賞賚犒勞之名數又東連山海與遼左相援苟防禦稍疎其患有不

可勝言者矣昔憂兵衛寡弱嘉靖中以邊警而假邊卒於延寧嗣又募浙兵為捍禦董以督府而事權稍專訓練漸熟在今日宜無慮也但募兵弭亂猶因病而暫藥之也病且已而藥之不已必生他疾則南兵之喻也蓋漸消之以其餽餼六郡良家子乎客兵入衛猶不給而暫為稱貸假人而忘之人誰與我則延寧入衛之喻也頃寧夏既罷戍矣蓋令延綏之衆一體盡撤乎又其甚者今並邊卒以修築為事埽埴甃

覽伐山轉途日夜不得休婦子營田老稚合作糧資
不時給大半入為助役而供將領之溪壑死則已矣
如棄鳥獸附於藪澤也頃者寧夏之變搏主帥如仇
讐彼憤積鬱烈而一旦發之若焚有由然矣不旦夕
跋寇來為吾重乎而况能為國家捍禦敵乎且朝廷
軫念邊氓若在痾瘵飛輓相望惟恐後時而窮餓困
踣至於此極賓僚遊士曳錦履珠一言贏金頂踵相
接而荷戈負戟之士乃至不能朝夕可泄泄秦越人

視耶

說者曰客兵撤矣募兵消矣萬一敵渝盟而飲馬長城之下薊鎮所恃之重安在也不知燕趙之地士馬强悍漁陽戰卒自古稱雄且兵皆土著不特與敵相習而顧戀家室鬪志自倍從古未聞假南兵捍北敵者南兵之北譬舟之陸也今反令南兵倍食於北而北兵枵腹以養不相比助之夫南驕北憤敗道也司國計者寧不思亟圖之哉

薊遼移兵要地

石晉所賂契丹十六州地幽薊易漢涿檀順七州在山前新瀋儒武雲應寰朔蔚九州在山後合山前後併契丹所自取營平二州通計之蓋十有八州也自是以來非但失其土地人民乃併其關隘而失之晉人自捐其險阻與人既無以自守其國家人承其後而不能復中國之舊遂以白溝河為界故二國所受侵陵之禍略同夫自晉天福元年以賂契丹此地為

敵所得者首尾四百五十餘年我太祖始逐出元人而復為中國蓋拔之泥塗之中也太宗又於此建都則躋之天日之上矣夫以百二山河而有天然之地險重城萬雉屯百萬貔貅於此以鎮壓之是誠萬萬不拔之基也今山前山後皆吾中國之地太行西來連岡疊障環而繞之東極乎醫巫閭之境以為內之藩籬山後諸州自永寧四海治以西歷雲代重關疊城為外藩籬苟委任得人守禦有法可保無外患也

惟昌平以東遵化永平一帶往者有大寧都司與營
義會等衛以為外障後移入內地故京師東北藩籬
單薄異時有患未必不出於此夫天下之患往往出
於意外然能謀畫於未事之先而預有以防備之則
所患者消泯於無迹也請下大臣議居庸以東歷黃
花鎮古北口直抵山海關山之後皆荒漠無人之境
非如居庸以西大小邊鎮兩層可以防備若何以善
其後使之永無外患必有遠謀宏略出於其間必不

得已請將洪武中大寧都司後移保定者立於永平
或遵化或薊州以為重鎮凡舊所屬衛所移於沿山
要害相為聲勢仍於山之後去山五十里或三四十
里量其地勢因其地形便築其墩基就其空缺之處
接連以為邊牆就於其間擇一要地設為關鎮屯軍
守備以為烏梁海入貢之道一以衛都城一以衛陵
寢此誠千萬年之遠謀也不然國家養銳儲材俟吾
力有餘而機可乘乃復洪武中山後關鎮之舊俾與

宣府大同列為三鎮直達遼東之境則是國家之險
要既失復得藩籬厚而無可乘之隙根本固而無意
外之患矣

薊鎮撫賞長策

昔中行說教匈奴勿貴漢財物得羅綺錦繡皆棄之
草中以示不如氊裘之便利故匈奴日強今則不然
嗜漢物如蠅之慕膻飛去復來得丈帛尺綿爭相誇
耀中國執此以羈縻之乃賈生三表五餌之餘意故

今日邊鄙惟撫賞一事為馭夷之長策誠主之得其
人行之中其竅可不戰而馴擾之矣大弊有五請頌
言之夫宣主上之德意達蠻貊之隱情全在通事之
口我祖宗知其然也特設四夷館以翰林重臣提督
之又擇大臣子弟之端謹者為譯字生習四夷之言
語文字習之而通也然後授以官而分遣之以主各
邊撫賞之事今四夷館如故也授以官而出邊行賞
亦如故也然而其人則非矣夷語夷文一毫不達惟

日需索供給每處動至千金而其與夷人通話者則全憑夜不收之屬各路提調之撫賞皆視其口以為低昂而此輩無良哄誘夷人教之爭競教之需索教之侵凌教之挾詐所以褻中國之體而使夷人不尊不信者皆此輩為之也今縱不能復祖宗之舊制重四夷館之選然各路夜不收尖兒手之屬凡通夷語者獨不可遴選而勸徵乎謂宜選若干人擇其端謹者使司通事之職三年之內夷賞不增夷情不變即

為稱職授以百戶又三年而無事也陞千戶又三年
而無事也陞指揮倘有能調停大事採探隱情者不
次陞賞不然即以軍法從事此目前至急之務所當
亟圖者一也邊計莫重於撫賞而薊鎮撫賞之責惟
寄之路提官既卑微人復瑣猥外不能壓鎮敵情內
不知愛惜國體任其需索莫之搏裁甚至有私賂敵
人求免目前如潘一正者夫薊鎮撫賞凡十一處而
叅將凡十二人今叅將在內而使提調在外主賞非

計也愚請各邊之賞皆令叅將主之如石塘路屬夷
五枝皆是白馬關撫賞即移叅將駐關而革本路提
調古北口屬一十四枝皆在古北口撫賞即移叅將
駐本口而革提調曹家路之叅將移駐漢兒嶺牆子
路撫賞則叅將暫革馬蘭路叅將移駐正關松棚路
叅將移駐羅文谷喜峯口則駐本口太平路則駐擦
崖子關惟燕河路有二處撫賞宜將桃林屬夷并入
冷口一處聽賞即移叅將駐冷口石門路叅將移駐

義院口山海關無撫賞又題準不援遼東則叅將亦
宜革矣如此各路叅將皆復舊額又省提調十人且
以撫賞之權屬之叅將至期仍令三道往來提督庶
體統尊而夷情可撫所當亟圖者二也按三衛之設
每衛置都督二人泰寧衛之祖其左都督曰烏訥特
穆爾再傳而絕右都督曰噶默勒特穆爾今襲者曰
濟爾噶福餘都督二今無止都指揮曰達都惟諾延
最盛其左都督為旺特穆爾五傳為和坦生十一男

又再傳而格爾台襲職生九男長為伊克實克守之法
有三有脩百里之外險者有修近邊山水之險者有
修境內地險者何謂修數百里之外險舊制冬月燒
荒必在四五百里之外使草根盡絕敵騎難馳先臣
郭登守大同於要害之處毒其水草敵不敢侵今誠
於境外擇其要路潛置毒藥人飲水即死馬食草即
斃尚安有一人一騎能內侵者乎如山海關外太古
路口南行則犯遼之前屯北行則犯石門諸處乃總

路也於此置毒則遼及石門皆可安枕矣又如石門寨外大梯子嶺離邊四十餘里東西寬漫有橫山一道舊置柞木欄寨於此置毒則義院口地方可通大舉者敵不能至矣按古兵法軍行則防毒凡入敵境則先審其水草蓋行軍者慮毒之難防故設五術以審之即使北人精通兵法識毒而不來亦為上策何乃置之不講乎但口外之水多流入內地毒其上流須分輕重所用毒藥有經七日流三四百里而解者

有經半月流千里而解者有經月餘流數千里而解者此皆用草狼毒之屬隨煉之生熟而分毒之輕重南人有素習之者水入中國近則用輕藥遠則用重藥不入中國者雖用砒礪可也何謂修近邊山水之險薊鎮一帶重山疊障處處有險凡軍馬行兩山之間兵家謂之圍地敵入其中吾斷其前後盡成擒矣敵人所以敢於犯難而不顧者欺吾無人也向嘗薄遊薊門見口外諸山兩頭狹而中間濶如孔明之葫

蘆谷者甚衆即兩頭不狹者修而隘之為力甚易中間之山低則增之坦則劙修成險隘積滾木礮石於上使敵知而不來可也來則雖有武騎千羣盡為網中之禽穿中之獸矣如古北口外地方平行無山可恃則當引潮河之水周圍設險往來之處明則架木為橋暗則設坑鋪板使敵知而不來可也來則送死無疑矣昔李存孝力敵萬人李克用掘塹守之塹成飛走不能越存孝遂技窮而請降此已事之明驗也

何謂修境內地險嘉靖二十九年兵從古北口由黃
榆溝入歷白羊口橫嶺原從古北口出三十四年自
馬蘭谷由龍鬪谷入由鮎魚口出三十六年自燕河
路由雞鳴山入由冷口出三十七年犯臺頭路由界
嶺口入由青山出夫山川在我險隘在我敵每大舉
往來出入皆得其宜若素習者惟其嚮道明而地里
孰也我則險隘扼塞茫然不知甚至敗而奔北亦不
知去向今須將諸路可入可出之處一一勘明如從

某山入料其必於某處劄營某處搶掠某處奔回吾
軍當於何處堵截何處夾攻某水可以灌某河可以
阻有未備者開渠設險務使戎馬難馳又略做古井
田之意有溝有洫無事則教軍耕作敵至則藉水成
圍此禦敵萬全之計也

圖書編卷四十四

欽定四庫全書


圖書編卷四十五

明章潢撰

三鎮總圖

--	--	--	--	--	--	--	--


三鎮總圖




欽定四庫全書

圖書編

二







榆林縣

寧塞城

鎮寧海



諸達部落

馬市

堡平遠

堡新平

堡保平

堡永嘉

堡鎮門

堡鎮口

堡鎮寧

堡瓦密

堡白鄯

堡李家


縣廣靈

莊許家

城天

縣靈丘





京城兒

合州

拒橋堡

拒門堡

助馬堡

保安堡

馬堡

三屯堡

寧虜堡

威虜堡

滅虜堡

破虜堡

鎮河堡

紅土堡

雲岡堡

大同左衛

鎮寧堡

高堡山站

懷仁縣

馬邑縣

山陰縣

八公堡

廣武城站

水峪口堡

胡峪口堡

馬蘭堡

越堡口


白草堡溝

馬門關

繁峙縣

代州

繁峙縣



板井

新建新樓

新建新城

舊鎮房城

雲石城
舊蘇武城
舊王林城

單于城

單于城

青塚

李陵碑
新建郡落

赤山

咸胡堡

阻胡堡

敗胡堡

咸平堡

雲石堡

鐵山堡

殺胡堡

殘胡堡

破胡堡

大衛河

右衛

祁家堡

平房堡

井坪堡

朔州

雲西堡

黃土堡

梁盤堡

小堡

花堡

樹柳堡


梁鵬堡


燕兒堡

太原府

朔州

平原驛





馬市

五眼井堡

水泉堡

小營堡

草垛山堡

馬寺堡

韓家坪堡

馬姑堡

八角城

三岔堡


五寨堡


蔚州

蔚縣

靜樂縣

化寧所





三鎮形勢總說

惟國家並列三鎮雄峙北門嶽並星連相為犄角而
先後諸臣又皆杼猷相勢歲增時益以弭其缺無復
遺慮是以二百年來雖以鉅鹿之都邑止限一山而
虎豹關嚴重扃復障實為萬仞此固我朝之所以跨
軼歷代而屏蔽無疆者也然三鎮雖與九邊平列而
三鎮為尤重至齊三鎮而論之則其事勢又有不得
同者故欲處置三鎮而不先辯其所以異恐亦未能

中竅而當機也抵掌談邊書生故態然形影疑似終非實際今以親歷全徼迴還幾三千里悉覩其險夷遠近強弱之狀然後能粗曉其槩竊惟國家受款六年于今而臣之閱視也則為再遣矣據今日之形以追思嘉靖之末而當時諸臣之處分亦或萬有一失而其說未易輒盡顧今日所以易轍更新者誠千載一時不可不深為之慮也請就即今大計論之部落渙散強逼邀求厚往薄來久飽優賜志望無厭而又

姻連土蠻意窺遼左平居敵情之難處則宣府為上
大同次之山西又次之止隔一牆烟火在望鐵騎騁
頃刻即至况語達聚牧各部皈嚮敵情所根呼吸異
態則大同為最山西次之宣府又次之山川磽瘠士
民貧困拜姓降人親戚潛通撫臣既遠人心易搖况
太原河東久所垂涎萬一有變内外合發則山西為
先大同次之宣府又次之古今處邊寇無出於戰撫
守三者今日皆用之故撫賞市易所以為撫也修牆

築臺所以為守也利器練兵所以為戰也已撫觀利
各欲自全但有屈意無敢乖忤則各鎮於怒敵起釁
諒無有敢居其先者牆臺修築各有年限形估尺度
可按而求則將官於修築程工亦無有敢處其後者
是撫之與守不足復煩朝廷之慮然竊謂今日之撫
特以羈縻之爾固旦夕不可保也撫以戰而後可久
守以戰而後可恃撫守有形而戰兵難試有形者可
稽難試者易掩且不特此也撫久而不用則將與士

皆鈍而不銳工多而力竭則將與士皆困而日斃是
今之撫與守且又以妨戰也察撫守戰三事之輕重
而又較量三鎮不同之形勢則在宣府撫七而戰三
處黃巴車史之夷安絕其險絕之山川稍可恃也大
同守一而戰九牆但據其零犯而不能阻其大舉自
非重兵無以防其四突而拒其奄至也山西撫三而
守七蓋以敵之市馬在山西為寡然偏老孤危西河
乘冰春冬皆防也此其大都而要之皆不可忘戰若

我兵素不敢言戰而以牆塹為守然悠悠二千里處處可拆而入姑以大同一鎮言之九萬之額則老弱疲癯悉在其中其有馬勝戈者約可四萬而堪責以戰者僅一萬餘人以此欲守六百里長邊則誰能辦之舉此一鎮則山西宣府可推故為今之計必每鎮挑其庸弱可以修工雜差者屬之守備而別聚其驍勇以教之戰而免其工與差庸將修工與戰將不相涉老弱工差與戰兵不相涉而工之不甚急者一切

停罷無為敵所嗤工有完時而差終難免規模既定
後自可修則庶乎兵有可恃而不以撫與守妨之此
則今日之所當急講者也

六關總敘

居庸隸薊州紫荆倒馬隸保定鴈門偏頭寧武隸山
西巡撫居庸等關本太行山與鴈門諸山相斷數百
里鴈門亘南北太行絕東西表裏縱橫左右紫帶闕
狄藩華險由天造山西自井陘西北數百里崇岡複

嶂扼為居庸迤邐東折玉帶神嶺諸山若拱若抱八陵在焉外拒四海沿潮河川古北口去敵不遠故居庸為京師北門居庸左轉蓋漁陽盧龍當山海之際古渝關也控約遼東西右循太行西南以往包絡數十城皆平原沃野北倚上谷雲中皆宿重兵居庸東去舊有松林數百里中有間道騎可一人即巴咱爾導元兵趨南口者紫荊倒馬二關隘口既多守備不能專內連真定保定大名古燕趙之郊平夷曠衍無

高山大陵為之限，隔騎兵便馳逐。南並井陘，出山西
路險隘，士馬不能成列。東更順德、廣平，遂入齊魯。下
江淮，鴈門三關，山東起代郡，外斷雲中，內略太原。北
境西盡雍河之濱，鴈門稱絕險，敵入大同川，二邊不
能守。則鴈門當其衝，寧武諸營堡不甚險隘，敵往往
由蕎麥川、野豬口入，婦女畜產驅逐已出塞，而遊兵
百里赴援，難矣。偏頭地平，可馳馬，故多邊患。西北冬
備河曲，東北時備大同川，往時諸險塞設關，夫環戎

卒荷戈守吏辨符行者脅肩曳踵左右森立正德以
後商者入賂逋者奸聞廢釐缺斤左右環立不敢誰
何況覈符券嘉靖以來奸細出入至居京師習兵器
而禁物羣來旅往如履康塗防哉防哉

內三關邊圖



水經

圖首編

十三



蔚

葫蘆河源

慶靈縣

柳前
柳前安
五馬
五馬

抽前
抽前

虎伏
虎伏

藍谷
藍谷

鐵馬
鐵馬

黃梁
黃梁

五高
五高

石安
石安

司上
司上

香爐石
香爐石

青陽溝
青陽溝

龍河口
龍河口

耳
耳

魚兒
魚兒

濟水
濟水

北臺
北臺

東臺
東臺

西臺
西臺

南臺
南臺

五臺
五臺

靈城

白雲

新官道

白雲

龍王廟

南天門

龍王廟

曲陽

玉女

靈壽

沙河

井陘

元氏

井陘

井河

井河

井河

井河

井河

井河

井河

直隸三關

居庸關

隸薊州

所轄撞道等口墩寨七十有三城二堡

三屬馬步官軍一萬三千七百六十二員名子粒米

二千六十二石新增餘地折色銀三百五十兩餘丁

承稔米三百三十石馬四百二十二匹

東路撞道等口一十三

俱無住城橫石牆一道

共馬步官軍一

百七十八員名

中路雙泉等口三十六

俱無住城橫石牆一道

共馬步官軍七

百七十員名

白羊口堡

小石城一座

馬步官軍五百八十一員名馬六

十匹迤西六墩軍四十名

西路柏峪等口三十七

俱無住城橫石牆一道有共鎮邊城一座內除長峪城

馬步官軍五百三十三員名

長峪城

一座

馬步官軍二百七十二員名

紫荆關

隸保定提督

所轄沿河等口七十六屬春秋輪班

并備禦常守馬步官軍共五千八百八十六員名子

粒米一千七十四石馬四百一十二匹馱鎗馬八十匹

外一層自東而西沿河等口五十二

內除浮圖峪口

共馬步

官軍一千三十七員名 浮圖峪口 馬步官軍四

十三員名馬八十四匹

內一層自西而東白石等口二十四 共馬步官軍

二百七十三員名

倒馬關

隸保定提督

所轄周家堡等口一百一十有五關

二屬常守備冬馬步官軍共五千八百一十三員名
子粒米一千六十石備冬騎操馬一百三十匹

東北路周家等口六十六

內除插箭嶺口

共馬步官軍四百

九十七員名

插箭嶺口 常守官軍三百員名

西南路龍泉等口五十一 共馬步官軍一千四百

四十一員名

三關處置

居庸諸關本太行山與鴈門諸山相斷數百里鴈門
亘南北大行絕東西表裏縱橫左右縈帶闕狄藩華
時用大矣夫重險由乎天造掌固存乎人謀自古在
昔隆壞多矣得道乎哉失道乎哉

居庸號北門山形左轉盡漁陽盧龍當山海之際為
榆關控約遼東西右循大行西南以往包絡數十城
皆平原沃野北連上谷雲中皆宿重兵表裏維固真
天險哉

西山自井陘西地數百里崇岡複嶂扼為居庸迤邐
東折玉帶神嶺諸山若拱若抱七陵在焉外拒四海
沿潮河川古北口去邊不遠備守其可忽諸

居庸東去舊有松林數百里中有間道騎行可一人
即巴咱爾導元兵趨南口者今以供薪炭翦伐條枚
林木日疎薄樹渠藩塞豈無謂邪

紫荆倒馬二關隘口既多守備不能專內連中山保
塞澶淵古燕趙之郊平夷曠衍無高山大陵為之限

隔騎兵便馳逐南並井陘接山西路險隘士馬不能成列東更鉅鹿邢洺遂入齊魯己巳之難敵有謀奪紫荆窺臨清者不有節庵司馬殆矣而謂國不以人重哉

內三關事宜

夫三關堂奧之區也宣大門戶之地也入堂奧者必自門戶以發軔今不固守於門戶之外而徒過防於堂奧之間則吾之戎衆兵分而調布日見其不足矣

馬得而缺兵之慮耶為今之計莫若增大邊之築以固藩籬併三關之兵以守宣大補逃亡之軍以復故數汰老幼之卒以易精健一遇行伍缺人即於邊地選補益其長生邊陲通曉地利習經戰陣夙知敵情非若內地之兵但可以為聲援而不可驅以克敵者此一遇黠寇內侵即能捐軀捍患務使我之門戶肅嚴而堂奧鎮定則執樞據險戍守不分於堡寨之多健卒精兵軍威益張於萃合之後而又嚴清勾之法

申鬻放之律罷貪鄙之將重賞罰之科則兵不求足而自足諸鎮之兵可不必調而遊食之民可不必招也况自古守封疆者必據險阻然不守其險之險而必守乎險之外是以古人之守江也必守淮而唐人之禦突厥也始以河為界其後張仁愿建三城於河外以扼其吭而折其脅自是突厥不敢踰山牧馬而朔方益以無虞歲省費億計減鎮兵數萬此守在外而不在內之明驗也若即險而守則險與敵共矣然

則守大邊而三關之防益固夫孰以為非策之完也

哉

宣府總敘

宣府秦漢時上谷郡也

古冀州之域秦為上谷郡漢以下或為縣或為州五代石

晉時入金遼為宣德宣化州元改名宣寧尋為宣德府淪沒於遠方異域者益四百餘年我太祖高皇帝

驅前元混一天下盡徙其民于關內號其地為宣府洪武二十六年始置萬全都司于鎮城統衛一十九

外分五路東路所統永寧城懷安城隆慶州城保安城南路所統順聖州西城東城蔚州城廣昌城西

所統萬全左右衛懷安洗馬林北路所統獨石馬營赤城雲州龍門衛城長安鎮中路所統葛峪大小白

羊常峪清邊趙州六堡成化初增羊房堡俱鎮城耕
牧之所設兵戍守五路各設參將一員營堡緊要處
各設守備一員以嚴邊防宿以強兵統以主將監以
內外重臣遂為朔方一巨鎮馬其地東距黑山南距
紫荆關西距枳兒嶺北據西高山東南距居庸關西
南盡順聖川西北跨德勝口距野狐嶺東北據獨石
廣四百七十里袤
八百六十五里 國初常忠武王遇春破敵于漠北

即元之上都設開平衛守之置八驛東則涼亭沈河

賽峯黃厓四驛接太寧古北口西桓州威敵明安隰

寧四驛接獨石太宗文皇帝三犁北庭皆自開元興

和萬全出入嘗曰滅此殘敵惟守開平興和太寧遼

東甘肅寧夏則邊境可永無事矣後太寧既以與敵興和亦廢而開平失援難守宣德中迺徙衛於獨石棄地蓋三百里土木之變獨石八城皆破雖旋收復而宣府特重矣宣府山川糾紛地險而狹分屯建將倍於他鎮是以氣勢完固號稱易守然去京師不四百里鎖鑰所寄要害可知北路獨石馬營一帶地雖懸遠然長阻長安嶺敵難徑下中路之葛峪白羊清邊諸堡西路之柴溝洗馬林萬全諸城南路之東西

順聖皆稱要衝警屢至焉東路永寧四海沿及龍門
所則三衛窺伺之地而四海沿上通開平大路下連
橫嶺兒又要地矣易曰王公設險以守其國今考塞
垣所據險亦幾盡第時異勢殊有不可不為之經畫
者若曰補長峪城鎮邊城之募軍重浮圖峪插箭嶺
之防守留茂山衛京操之士以益紫荆築李信屯交
界之堡以固兩鎮此豈容已乎且宣府軍士素稱敢
戰乃近年叅將都勳出境燒荒遇敵二十騎而潰關

山王經前後陷沒此猶可諉也若滴水厓郭舉之叛及諸軍告糧而諜此則漸不可長况伊邇大同耳目習染可不慮哉是故有撫綏之將而後有節制之兵有節制之兵而後有疆圉之固籌宣府者此其大計矣至於邊儲一節則員外楊守謙所論益得權宜之術附見於後以備一時參考云守謙曰嘗聞弘治中宣府各城粟莛之積多至有六七年者少亦不下三四年今則止數月耳倉廩儲蓄瓦礫場地鞠為茂草

或勢家佃以為業然則飽歌騰槽之勢安得而復見哉邊鎮敝壞乃至此極賴國威靈僥倖無事使遇額森和碩之變將何以待之司國計者不可不深長思也宣府至京師僅三百餘里有必不得已之事則屯運之策可行也此蓋先朝所已試者亦一時拯溺救焚之方云又按邊軍月餉法曰折色者六月本色者六月在邊者折銀七錢在內者折銀六錢又曰本折間支此諸邊之通例也然春夏之月禾稼未登粟價

騰踊邊臣苦於蓄積之未多也則固與之折銀秋冬之月粟價稍平倉廩稍積則始與之本色當其騰踊也銀一錢或止易粟六七升或四五升是一月折銀猶不及半月之粟如之何其不饑而疲且至死也欲責其死綏之節不亦難哉說者謂亦於歲例之外每鎮發銀十餘萬兩遇大熟之歲則於歲例招買之外糴粟六七萬兩中熟亦糴三四萬兩俱別儲之每春夏粟價騰踊如歲例之粟尚足支持者借支二三月

秋熟之後即於歲例內招買者補償仍別儲之如此則士得實惠而所省亦且數倍即有重大敵患徵發旁午緩急亦有所濟矣此誠今日之急務而司國計者所當講求云

宣府鎮領衛一十有五

屬所六十六

城三馬步官軍一十

二萬六千三百九十二員名通鎮馬六萬六千九百八十四匹屯糧六萬二千三百零二石地糧三萬九千一百五十三石有零團種糧一十一萬五千八百八

十六石有零公務驛傳糧一萬四千三百三十三石
稻田徵米一千一百七十九石有零草二十二萬六
千九百七十一束

宣府鎮城元為宣德府洪武二十五年始置左右前三衛二十六年命谷王治之尋廢展其制為方二十四里正統庚申都御史羅亨信奏以磚石甃之高三丈五尺制稱宏偉設萬全都司以領之內撫鎮巡察糧儲總戎守巡二道暨副總兵一遊擊二皆居其中以為控馭之備官軍蓋萬二千有奇倉庫主客糧料一十萬一千八百石有奇草一十八萬一千六百束有奇庫儲銀六十四萬三千九百五十一兩有奇東

至雞鳴山堡南至深井堡西至萬全左衛俱六十里
北至張家口七十里通一鎮之幅幘計之則二十二
衛所咸隸屬之殆方千里志稱壤土沃衍四山明秀
洋河經其南柳川出其北去京都三百五十里隔一
關之險蓋西北第一鎮云其傍有寧遠站上花園堡
皆以切近於鎮城故不特著

宣府總說

聞建國者必視其所都道里之極際以設邊而邊之

緩急則以其際之遠近秦斥朔方漢略洮岷唐置蕃
衛凡都之所在而蔽在背腋之間重也我朝都燕則
以宣府為背故九邊莫如宣府重然竊謂不明二祖
所以建都之遠慮則亦未能深知宣府之所以為重
而籌之或有遺策也嘗竊窺之太祖起於淮右將與
元人除殘則當引兵北向而乃南渡江者以元人未
可與爭鋒而以淮泗之兵取江南則易也既據金陵
十六年截江而守之則江南之財賦分毫不得北渡

而元人匱困及渡河北指彼但有遯而無戰故嘗恭
為之說曰太祖之渡江而南也以強取弱及其渡河
而北也以飽取饑太祖之定都於金陵也則以新享
財賦之便故也成祖始封於燕至靖難之時以燕薊
寧谷之兵內向遂成再造不據已成之金陵而更都
旋構之燕京夫豈好為勞哉夫亦覩敵勢之尚強而
慮相傳數百年之後處於金陵則遠且忘備故舍見
基而就新構既都之後又勤三駕示掃除也故嘗恭

為之說曰成祖之移北兵而南也本守成而實兼創
業及其移南都而北也本創業而實計守成成祖之
都燕也以親享兵馬之利故也太祖據財賦而未嘗
忘兵馬則初年燕遼代谷之封割肌膚之愛以膺捍
禦之寄而中山岐陽攻取經略最久且備夫亦以都
在遠而尤勅其防乎成祖據兵馬而未嘗忘財賦則
平江之經運河濟之轉漕殫竭羣策悉賦江南以雲
集神都夫亦以有兵而尤急其食乎顧山後叢崖澗

谷限隔操戈之技非乏而輸運之途難繼當時開平
之棄太寧之移雖聖算淵遠有不可測而餽餉艱阻
倘亦上疚宸衷然未足以妨萬年卜鼎之至計也定
都之後再啓長陵兩朝全略獨雄百代是以二百年
來謀臣猛將所以為宣府之謀者有所憑藉而况蒙
三駕之餘靈恃天險之絕壁故已已不戒雖敵人居
庸而終恐兩鎮之擬其後則所以消其久駐之念而
速其出者於山後之兵力亦有賴焉而庚戌再肆則

別由薊鎮而不敢復窺上谷矣若使當時嚴蹕不離於江左親征不勤於再動則一山之限萬全之慮未必有如今日之備者而宣府其或有飲馬之擾乎故臣竊謂覩宣鎮之完而知二祖建都之遠慮者此也諸所營修皆切機宜而獨石孤懸尤為最要蓋宣府者京師之蔽而獨石者又宣府之蔽自撫臣余子俊王儀以來更有增益然中路之竇未塞則葛峪之敗可懲於是督臣萬達疏曰長城之役西路張家口洗

馬林西陽河諸處宣府最急者也中路葛峪常峪青
邊羊房趙川東路別寧四海沿諸處宣府次急者也
最急者宜督軍夫舉役次急者以待乘塞之兵審財
量力期於有成而已中路既城然自四海沿而西至
永寧自滴水崖而東南至龍門不扼其塞則京後尚
孤於是萬達又疏曰自永寧墩歷鵬鴉長安嶺龍門
衛至六臺子墩別為創修內垣一道與北路新牆連
而為一北路原額官軍不輕內調內垣乘守永措兵

馬蓋不止備金湯之設崇虎豹在山之威亦且成首尾之形收率然相應之利也東路既成而龍門黑峪之路不通則應援之徑未便於是督臣逢時撫臣兌合疏曰北路東南外山起龍門所之盤道墩以迄靖胡保之大衙口延亘一百餘里山勢高峻誠為天險若遂為修牆斬崖則滴水靖胡既有柞口之內邊又設盤道之重險敵騎自難入犯有警自龍門之黑峪以達寧遠邊內經行止三十里北路之兵由此以入

衛南山東路之兵由此以出援獨石皆可朝發而暮至獨石孤懸勢相聯絡先是嘉靖二十九年敵騎自薊入犯諸臣始議掣宣大之兵馬以衛南山督撫移鎮懷來老師廢財而敵終以險絕不至於是督臣崇古疏曰諸臣原議每年春秋盡掣宣大山西之兵併守南山在山西則往返千里士馬疲勞致疎本境之防宣大則內顧外疎供飽耗費坐失各路之守是掣門戶之兵以守堂奧棄其所必攻而守其所不攻以

衛京陵則忠矣以籌邊則非策矣宣大各守其境雖
未能阻敵之不入而猶可邀於境上南山畿輔可保
無虞宣大掣兵內防則敵可直至山後而藩籬愈壞
是守宣大乃所以奠南山守南山乃將以棄宣大也
自是罷宣大援南山而督臣不至懷來歲所省不貲
也凡是皆由先帝之獨決機謨陛下之聖神繼體而
輔弼抒忠本兵飭備故敵款方洽風塵不驚用以快
二祖世廟未畢之志而邊臣因得以其隙詳為修攘


之慮築牆臺約兵食北門之守於今為壯矣或曰開平之轉運難繼則當徙三衛以入太寧之巢穴不除則當通宣遼以為絕塞謂社稷無疆之慶天所啟佑而事機偶值之會自需其時前總說所謂敵情之不可知者或將有待其至耶而非今日之所敢及也

陽和事宜

陽和當宣大兩鎮之交總督從中節制則遠近之勢既均緩急之應亦便即有緊報星馳未晚今乃擁聚

兵馬久住懷來虛費歲月坐耗軍儲敵未及乘而力
已匱矣其見不亦在乎南山在宣府近京之地精兵
宜守邊隅則對壘之戒日嚴長駕之威亦壯俟有信
檄響應何難今乃外遺上谷單守南山消薄藩籬近
防堂奧效未及收而短先見矣其計不亦後乎

山西邊圖



太原省城古虞之并州夏商省入冀周成王封弟叔
虞曰唐其子變更號晉國朝置太原府為會省晉藩
封馬駐兩院三司領州六縣二十二置太原左右前
三衛軹城方計三十六里高四丈東抵直隸真定府
界三百五十里西抵陝西延安府界五百里南抵沁
州界二百一十里北抵大同府界三百五十里內馬
步官軍二千八百八十九員名設叅將一員統之撫
院標兵六百八十一名禦冬二司官軍五百七十員

名委把總官各一員分隸馬額徵夏稅一十六萬七
百石有奇秋糧三十七萬四千五百石有奇馬草七
十四萬九千二百束有奇內充王府并官吏廩祿十
三供宣大山西三關軍餉十七郡治距邊不遠虜潰
偏老則保河汾永被其掠入寧鴈則由代崞南下平
原一望惟其所之故必東拒之于奇嵐西拒之于寧
鴈而始可無恐云

山西總說

頃行閱山西自代而入雲中按地形而察治宜然後
知山西之事勢與宣大又為迥異宣大全理邊務而
山西則半撫綏宣大之撫臣守在邊而山西之撫臣
駐於腹裏此其所以異也山西之守疆與大同相為
聯絡本一省事也自寧鴈既以為闕而大同又或不
足為蔽敵一闕入責相牽連於是始有分守之議邊
計之誤莫謬於是然計當時敵患正據主議者以為
重門待暴王政所不廢而再設寧鴈其後更增平型

居常視之誠兩門戶也然使山西退守寧鴈而遂萃其責於大同可也敵越大同而後至寧鴈至寧鴈則責山西是矣而偏老之失守山西其容無罪乎是大同撫臣一其責而山西乃二其責矣此撫臣之所獨難者也悉寧鴈見在之衆而一偏老以為資則無守而不固今既分其力而退守則見分者以寡而成弱退守者合狹而就廣是守偏成或萬有一之能固而守寧鴈則惟敵之不入已矣則山西失守之責可坐

而策也況民疲於設關之多則修守與征輸俱困官
分於顧盼之廣則應援與坐守俱艱偏守之將吏有
緩其憂於既入寧鴈之將吏有冀其倖於未來若是
者非計之失乎今自款貢以來合守之議已定無庸
更論然合守之中有欲盡撤寧鴈之防者有欲兩存
之者謂山西今日之所當講者失在於建官責守之
非宜此百餘年相沿之誤其勢非有以更之則不免
於病而固非特在於分守合守盡撤與兩存之間已

也請詳言之乞陛下試垂聽焉夫沿邊之撫臣與中原異邊方之守無時可踈辰舉烽而敵午至矣而中原撫臣之兼兵權者謂萬有一失之防也今偏老孤懸與敵為一牆之限呼吸變態旦暮橫出而欲以遥制之撫臣兼邊防即使出居鴈門猶恐突然突至之報比其達也則已入而掠掠且殘矣而況於省城乎秋居於代則河東冀南官員之叅謁勞費無紀春還於省則偏老河曲邊計之請質懸斷難詳平居則使

之奔走於道塗而為兩顧之守失事則且與宣大均
其責而專駐之科夫乃無以服其心乎此撫臣之所
不得言也且山西之三邊與陝西之三邊一也寧夏
延綏甘肅之撫臣則分自陝西而同開府於陝西之
境者也有延寧甘固四鎮則不當復有陝西撫臣然
而終不能罷者良以撫臣之不可兼邊計也而山西
撫臣獨使其春在省而秋在邊然則陝西撫臣於延
綏甘肅遠矣而於寧夏為近獨不可使春還長安而

秋駐寧夏乎而寧夏之撫臣亦終未嘗罷不設也偏老之孤危本不可與寧鴈之腹裏並列為封守而卒以並列者以責之一人故也寧鴈之設關故也而以責之一人非也偏老之有寧鴈猶宣府之有居庸大同之有紫荆居庸不屬宣府而責之順天紫荆不隸大同而責之保定此所以為重門也而今山西乃責之一人若以為其足以辦偏老則凡平居之所以增兵設將為寧鴈之計者舉為冗濫無益之費若以為

防其不能而姑設之也則何以異夫今之縣令責其輯
牧里戶矣而又許其別派於民以備逃亡之額也敵入
偏老繩之以邊臣失守之法且曰朝廷先已許我退守
寧鴈矣里戶逃亡繩之以有司失牧之法彼且曰監司
先已許我別派備逃亡矣不可也今山西之民歲輸
之三關與大同者以萬厯元年新收考之在大同者八
十七萬五百有餘在三關者四十一萬四千七百有餘
而此外無名之費不與馬山西之民所以俯首而輸者


以其足蔽我以生也而辛丑之驚澤潞壬子之犯太原
丁卯之攻石州殘破之慘有不忍聞者即今保定之民
僅供紫荆得大同之蔽而無大同之輸山西以全晉之
力仰給三關乃猶不免於被虜也茲豈非設官分守之
有未詳乎故愚乞陛下割偏老以南寧鴈以北特設一
巡撫而專委之以邊計而宣大而開封府於偏關以總
兵駐老營以副總兵駐河曲自平型北樓鴈門寧武而
北悉以隸之移寧武道於偏關以為分守而崞嵐保德

等州縣專屬偏關巡撫如朔應之於大同山西都御史
罷其軍務但專巡撫畫關南而守之使得其整暇與監
司冀南河東守令共圖所以輕徭均賦以休吾民者而
供三關萬一有警則親提太原汾州二營之兵以守鴈
門而甚急則更調各州縣之兵以遏衝突偏關叅將換
駐寧武其鴈門以北巡按事宜亦或以并於宣大而山
西一應派額應輸三關者俱仍其舊此非臆說也設巡
撫於偏老而不涉省城所以視延寧甘肅之例也割關


南以屬山西而不使其與關北之邊防所以視保定順天之例也如此截地而守之在邊臣專其責於沿邊也則尺寸在睫固為近而易圖在山西專其責於關南也則撫守俱舉不以遠而或誤今撫臣遠在省城而總兵逸處寧武以六百里之邊付之副使與副將敵人方款貢已矣萬一兵端忽逞烽火再燔東之宣大西之延寧皆以撫臣專膺其責而獨山西一省踈其中空而誤於遙制是使全晉之背開一謾藏之竇而以太原河東誨

盜餌敵也是時雖罪百撫臣將何救乎竊計必如此而後九邊皆密而無隙必如此而後三關重設為非虛且自添撫臣一員之外不增一卒不加一將而坐收全守即增一巡撫不免於廩餼吏書紙劄之供計亦三五百金但取之山西巡撫每歲移駐兩司府州縣往來叅謁之費而足使山西得並於陝西保定以下為治而壯京師之右臂是將大有利於社稷又非獨利於山西與邊防已也惟陛下俯擇焉

山西省外三關圖



雁門關圖




天
下
圖
說


圖
書
編

卷
九

寧武關圖



偏頭關圖



山西外三關

鴈門關所轄水峪等堡一十九馬步官軍一萬一千

四百六十一員名子粒米三千八百三十石馬七千

五百匹草

四月至十月不支
草料軍自行放牧

寧武關所轄羊房等堡十一馬步官軍一萬八百二

十二員名子粒米二百七石馬六千一百九十九匹

草

十一月至三月支每匹每
月支草三十束料九斗

偏頭關所轄羅漢等堡二十八馬步官軍一萬一千

二百二十八員名子粒米二千一百九十石馬六千

七十五匹草

同上

三關險隘

鴈門稱絕險敵入大同川二邊不能守則鴈門當其衝矣幽燕之兵出紫荆縈其左延寧之兵渡黃河拂其右敵可邀也昔李牧守鴈門誘匈奴入帳左右翼擊之大捷

寧武諸營堡不堪險隘敵往往由蕎麥川野猪口等

處入婦女畜產驅逐已出塞而老營遊兵方百里赴
援難矣

偏頭地平可馳馬故多寇患西北東備河西東北時
時備大同川

鴈門三關之山東起代郡外斷雲中內略太原北境
西盡雍河之濱

東受降城在廢東勝州東北八里

中受降城在大同府城西北五百里秦漢九原縣地

西受降城在古豐州西北八十里相距各數百里
鴈門關迺冀之北境舜巡狩至恒山始啓鴈門趙孝
成王使李牧備匈奴國初設關于此以嚴鎖鑰古今
蓋重之也城用磚包延袤二里三百五十步高連女
牆三丈五尺東抵水峪口十里西抵白草溝十里南
抵代州四十里北抵廣武站二十里內軍四百七十
六名鴈門所統之廣濟倉積貯主客餉銀六千有奇
糧料一千七百四十石有奇年來敵騎跳梁未敢由

此一逞誌曰兩山相翼如鴈又曰鴈至此不北蓋莫非狀其險云

寧武處三關之中當華夷之要衝為東西之援應實陽方溫嶺神池義井之門戶外接八角堡內惟岢嵐以一守備一千戶居之自偏頭徂鴈門似落寞矣

寧武關故屬鴈門成化二年都御史李侃請設官置守備弘治間置守禦千戶所嘉靖二十年北鄙入寧武撫臣議移偏關鎮守總兵官于此居中調度其城

方計一千二百五十餘丈高連女牆四丈二尺舊係
土築近用磚包經始於隆慶四年完工萬曆三年巍
然壯麗稱雄鎮矣內設正兵營官軍七百六十餘員
名寧武所守城官軍七百一十五員名本城中盈庫
萬億倉積貯主客餉銀八千九百兩有奇糧料一萬
三千七百石有奇草八萬六千九百束有奇城固兵
集保障無難且北有黃花梁之險南有陽武峪之固
敵縱窺伺終難深入偏關城洪武三十三年始設關

置守備宣德四年置鎮守總兵官成化十八年罷總
兵官置分守叅將置協守副總兵正德八年置遊擊
將軍嘉靖二十二年復改鎮守總兵官時撫臣以內
突日驚虞失大將乃請移總兵于寧武移遊擊于馬
站以便應援於是以前崑崙道駐居而止設叅將所部
官軍三千七十有奇守備一員所部官軍七百六十
有奇置偏頭所所轄守城官軍三百八十有奇舊係
土城方計一千一百七十四丈七尺高連女牆三丈

五尺今議磚包足稱金湯之固內西盈庫保德倉積
貯主客餉銀二萬三百二十兩有奇糧料一萬五千
二百八十石有奇草七萬九百束有奇但逼鄰敵巢
板升叛人歲時窺伺乃使總兵移去逸地而此則空
虛最為失策而今亟當改圖者也

圖書編卷四十五